



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CXLVI. Der Rath zu Prenzlau verkauft seinem Notar Peter Fabri Hebungen,
die nach seinem Tode dem Altar der Kalandbrüder zufallen sollen, am 15.
August 1373.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

genfium denariorum, In feſto natiuitatis Chriſti totidem, in feſto paſche totidem et in feſto beati Johannis baptiſte quinque ſolidos brandenburgienſium denariorum, In hijs feſtis et quartalibus anni continue ſubſequentibus per vnumquemque vicarium altarium antedictorum, ſingulariter et alternatiue recipienda et tollenda pacifice et quiete impedimentis et obſtaculis ceſſantibus quibuſcunque. Si vero quod abſit, aliquem defectum habuerint in prefixis duobus talentis brandenburgienſium denariorum, Ita quod ipſis fieri non poſſent in aliquibus predictis expedite terminis cuiuſcunque impedimenti aliquali occaſione, extunc eadem duo talenta brandenburgienſium denariorum ipſis de conſitorio noſtro dare debeamus contradictione quieſcente in terminis preaſſumptis, reſeruantes nobis et quibuſcunque preſidentibus conſilio impoſterum plenam facultatem reemendi dicta duo talenta brandenburgienſis denariorum pro viginti marcis argenti brandenburg. et ponderis, vti nos pro ipſis recepimus, dum primum poterimus deo nobis prouidente. Quo facto dictum argentum ad vſum prophanum redire non debeat, nec per aliquem deduci, ſed cum eodem argento videlicet viginti marcis alios redditus emere debeamus cum conſenſu patronorum dictorum altarium, vbi competencius inueniri poterint, quod fructus iterum emi poterint ad dictas vicarias perpetuo permanſuros et exinde dicta duo talenta brandenburg. denariorum annuorum reddituum ad vſus noſtre ciuitatis redibunt ut in antea fuerant ſine dilacione aliquali. Teſtes huius ſunt Stephanus de Stendal, hentzſo ſeroder, Gherard lucifer, Rudolphus Stretz, Cunrad gheritz, Betekinus varenwolde, Arnoldus dedelow, Jacobus langhe, Copkinus blingow, hermannus hyndenborg et Johannes Guſtowe, Conſules preſentis anni et alij quam plures fide digni. In cuius rei euidentis teſtimonium preſens ſcriptum conſcribi fecimus et ſigilli noſtri maioris munimine juſſimus communiri. Datum et Actum Premzlaw, Anno domini M^o. CCC^o. LXXII^o., Ipſo die felicitis et adaucti martirum beatorum.

Nach Beckmann's Abſchrift des Originals.

CXLVI. Der Rath zu Prenzlau verkauft ſeinem Notar Peter Fabri Gebungen, die nach ſeinem Tode dem Altar der Kalandsbrüder zuſallen ſollen, am 15. Auguſt 1373.

Coram omnibus preſencia viſuris ſeu audituris. Nos Conſules Ciuitatis Premzlaw veteres et moderni proſitemur in hijs ſcriptis lucide proteſtando, Quod vnanimi conſenſu pociorum noſtrorum conciuum ac matura deliberacione prehabita vendidimus, dimiſimus et per preſentes vendimus et dimittimus diſcreto viro domino petro Fabri, altarite noſtre ciuitatis, noſtro notario et ſeruitori, redditus quinque talentorum brandenburgienſium denariorum aut aliorum denariorum equiualentium, ſi impoſterum moneta brandenburg. mutaretur, accipiendos ſingulis annis de noſtris quatuor caſis in Indagine poſitis, in quibus morantur quatuor byrſeroder videlicet Johannes byrſeroder, henningus markmeſter, Copkinus eyke et meſtorp, quolibet quartali anni de qualibet caſa ſex ſolidos brandenburgienſium denariorum cum tribus denariis pacifice et quiete, Nunc vero feſto beati Michaelis incipiendum et ſic deinceps omni quartali anni ſubleuandum ut eſt preauditum. Si vero dictus dominus petrus aut cuius vel quorum intereſt impoſterum aliquem defectum in dictis red-

ditibus subleuandis habuerit vel habuerint, hunc de nostro confistorio sibi penitus refundemus. Pro quibus quidem annuis redditibus sic subleuandis Idem dominus petrus nobis quinquaginta marcas argenti brandenburgensis et ponderis perfoluit atque dedit in parato, de quibus ipsum per presentia quitum dimittimus et solutum, quos in usum et utilitatem nostre ciuitatis habemus conuersas utiliter et redactas. Reseruantes nobis et quibuscunque futuris temporibus consilio presidentibus plenam potestatem reemendi dictos redditus quinque talentorum brandenburgensium denariorum, ut premititur, aut ipsi seu quorum interest eisdem nobis reuendendi pro quinquaginta marcis argenti brandenburgensis et ponderis, ut ipse nobis pro eisdem dedit, dumprimum poterimus deo nobis prouidente, In alterutrum ad quartale anni cui parti placebit predicendo: quibus quidem quinquaginta marcis argenti brandenburgensis et ponderis tunc plene perfoluti sepedicti redditus ad nostram ciuitatem redire debeant ut inantea fuerant impedimentis cessantibus quibuscunque. Ceterum dictus dominus petrus coram nobis prefate peccunie quinquaginta marcarum brandenburgensium renunciavit penitus et ex toto si contingerit eum mori ante dictorum reddituum reempcionem, Ita quod ad usum suorun heredum nequaquam debeat peruenire, sed cultui diuino uidelicet ad altare fratrum kalendarum in premzlaw in honore sanctarum Marie Magdalene et elyzabeth iam fundatum et confirmatum, applicari et confirmari debeat peccunia antedicta aut redditus cum ipsa deifice comparati pro secunda missa sub honore sancti Andree apostoli ac sanctarum virginum uidelicet barbare et dorothee iugiter ac perpetuis temporibus permanfuri, Ita uidelicet, quod dicti altaris seu missae iuspatronatus prefatus dominus petrus ac dominus Johannes, eius frater, ac margarita mater predictorum suis temporibus obtinebunt, quibus deficientibus petrus ac margarita pueri sui fratris hinrici bone memorie et post illos duos iam tactos ipsorum heredes masculini sexus uidelicet senior inter eos prefatum altare seu missam conferent cum vacabit. Quibus omnibus abhinc medio sublatis dicti altaris seu missae iuspatronatus seu deuolucio ad fratres kalendarum presbiteros prefixe ciuitatis pertinebit, Ita uidelicet, quod decanus eorum cum prouisoribus, qui pro tempore fuerint, dictam missam seu altare conferent sue tempore vacationis sacerdoti ydoneo ac bone fame dicte fraternitatis aliud beneficium non habenti, adicientes nihilominus ad premissa, quod quum nobis contingerit, dictos redditus reemere post mortem dicti domini petri, quod mater ipsius aut frater aut pueri fratris defuncti aut cuius interest dictum altare seu missam conferre vna cum fratribus kalendarum cum sepedictis quinquaginta marcis argenti brandenburgensis et ponderis alios certos redditus in quantum et quot frustra cum eisdem possint deifice comparari reemere vbi competencius valeant venales inueniri erga dictum altare seu missam prenominatam iugiter permanfuros. Eciam prefatus dominus petrus temporibus vite sue nobis consencientibus sibi soli referuauit plenam potestatem ac liberam omnia et singula premissa et prenarrata aut alterum ipsorum reuocandi, alterandi, mutandi ac ampliandi, quociens et quando sibi videbitur expedire. In premissorum omnium euidentis testimonium presens scriptum super eo fecimus conscribi et sigilli nostri maioris munimine iustimus communiri. Testes huius sunt: Gherardus Lucifer, Cunradus Ghoritz, hinricus etzfel, henningus drense, Nicolaus sculte de Jagow, Arnoldus kock, Nicolaus Walkenhagen, Jankinus lubaz, Copkinus Ranke, Fredericus vorenwolde et Nicolaus sculte, Consules presentis anni, et quam plures fide digni. Datum Premzlaw, Anno domini M^o. CCC^o. LXXIII^o., Ipso die assumptionis marie virginis gloriose.

Nach Bestmann's Abschrift des Originals.